

Sarajevo

Musik & Text Björn Heuser / Verlag: Dabbelju Music

E janz klei Dorf,
irjendwo in der Wallachei,
paar Hüuser, en Kirch,
ne Buurehoff un en Bäckerei.
He wootste jroß,
he liertstet Lääve, liertste Leev,
jings zwar in en Jroßstadt,
doch kohms immer widder he hin zoröck.

Do maats e Kind,
für ne Moment wor't dinge Draum,
doch wie sullt et wiggerjonn?
Klar! Karriere maache beim Bund...
Ich denk ahn e Weihnachtsfess
met der Klein un ihr allein,
weil die Armee hätt dich jeroofe,
für vill Jeld jingste
un kohms janz anders heim.

Sarajevo – Explosione, Schutt un Angs,
hä kohm nie drövver, hätt sich selvs off nit jekannt.
Stets brav jedeent, jeführt vun Jottes Hand,
hück noch irritiert, unheilbar krank.

T'wor alles anders,
keiner weiß wat do jesinn,
dinge Bleck wood immer kähler,
un vill rauer wood ding Stemm.
Janz selden nurworste
wie mer dich jekannt,
t'kohm wie't kumme moot
do bes irjendwann durchjebrannt.

Sarajevo – Explosione, Schutt un Angs ...

Ich sin dat Dorf vüür mir,
en Schaukel im Vüürjaade stonn,
die es längs ald enjeroß,
un et Jras es vill ze lang.
De Kirchejlock schlääät zehn,
un rööf zom Jebet,
wat die do all bedde,
jung, dat wöss ich jähn...